

եւ ընդ Սպանիացիս՝ տիրելով յիսուն քաղաքաց Սպանիացւոց եւ ոմանց Ալամանաց, եւ արդ յլէ պատգամս կայսեր. Տո՛ւր ինձ, ասէ, ճանապարհ ընդ աշխարհաւ քով, զի անցեալ երթիցեմ ի պատերազմունս ուր եւ կամիցիմ, ըստ որում փառք եւ զօրութիւն պահանջէ թագաւորութեանս դիպուկ պահու յաջողման վերնոյն այցելութեամբ: Իսկ յիմփէրաթօրէն իբրեւ լսէ զանհնարին պատասխան, դարձեալ առաքէ դեսպանս եւ ասէ. Ահա՛ ծերացար եւ չունիս ժառանգ գահի կայսրութեան քո, արդ որդին իմ օժցի կայսր յաջորդքեզ բարւոք ժառանգութեամբ որպէս զորդի քո իսկ հարազատ, եւ թէ ոչ՝ եկից ի վերայ քո պատրաստեալ զօրօքս. ընտրեսցես զերկուսս զայս եւ յլեսցես ինձ զպատասխան զոր եւ դու կամիցիս: Լուեալ զայս իմփէրաթօր եւ ծանուցեալ վեհապետին երանելոյ, որ եւ յառաջագունիւ յօժարեալ էր ի խնդիր Ֆրանցիզին, որոյ գրէ փափն պատասխան թէ վասն սիրոյ եւ միաբանութեան ձերոյ եւ խաղաղութեան աշխարհաց՝ երկուց թագաւորացդ յոյժ բարիոք այդ խորհուրդ որպէս յԱստուծոյ պարգեւեալ զմեծ շնորհ եւ բարիս. վասն որոյ եւ ես օրհնութեամբ ասեմ՝ շնորհաւորեալ զգործդ ի կատարումն առ ի ժառանգութիւն բարձրափառ կայսրութեանդ, որպէս ի տանէ քումմէ նոր ընձիւղեալ արքայածինն որդի լինել քեզ հարազատ վայելչութեամբ, ողջ լե՛ր: Սոյնպէս եւ զհաճոյականն առաքէ փափն Հոօմայ առ արքայն Ֆրանցայոյ, զի պատրաստեալ զմեծ նաւակատիսն զայն՝ օժանել զորդին կայսր եւ առաքել առ կայսրն ծերացեալ: Եթէ կատարեսցին այս խորհուրդ՝ խոստացայ նոցա զրել զպատմութեանս աղագն ալթըն հալլիլէ:

ԺԷ.— Լու եղեւ կարծիքս առ վէզիր որպէս եւ յառաջագէմն զայրացեալք զաղտնի ի ծովու անցիցն, եւ յամարանս պահանջէր սիրով ի Ֆիլամէնկէ եւ յԼն-